

## Nos a Dydd gan Meira Shakespear

**Fuoch chi allan am dro yn y nos erioed?**

**Pryd? Ble?**

**Beth welsoch chi? Glywsoch chi rywbeth diddorol?**

**Naddo? Os felly, beth fydddech chi'n *disgwy* ei weld neu ei glywed – ar wahân i'r lleuad a'r sêr?**



Gyda lampau da a goleuadau ymhobman, dydy'r nos fawr o anhawster i ni heddiw, ond roedd pethau'n wahanol gan mlynedd a mwy yn ôl.

Os cewch chi gyfle i wersylla allan yng nghefn gwlad neu fynd am dro ymhell o'r dref, fe fyddwch chi'n dechrau gweld y fath wahaniaeth sydd rhwng nos go iawn a dydd. Dyna pam roedd pobl ers talwm yn arfer trefnu eu diwrnod neu daith er mwyn "cyrraedd adre cyn nos."

**Beth ydych chi'n ei hoffi am olau dydd?**

**A beth am dywyllwch y nos?**

**Oes rhywbeth dydych chi ddim yn ei hoffi?**

Gall pobl *ddewis* mynd allan yn ystod oriau tywyllwch neu gefn dydd golau, ond does gan lawer o greaduriaid fawr o ddewis – ***maen nhw wedi esblygu i hel bwyd ac i gymdeithasu yn y nos***  
***NEU yn ystod y dydd.***

**Pam hynny? Pa fantais sydd mewn byw yng ngolau'r haul neu dan gysgodion y nos?**



## GWAITH I CHI

Yn y tabl ar y dudalen nesaf, mae enwau ugain o greaduriaid gwahanol. Meddylwch yn ofalus am bob un, yna dangoswch pa rai sydd i'w gweld yn y **nos** trwy roi llun **lleuad** yn y blwch gyferbyn â rheiny a llun **haul** wrth ochr y rhai sydd i'w gweld yn y **dydd**.

Mae rhaid wrth dipyn o grafu pen gydag ambell un. Os ydych chi'n gweithio mewn grwpiau, yna gallwch drafod pa ateb i'w ddewis. Os na fedrwch chi benderfynu un ffordd neu'r llall, yna rhowch leuad a haul – bydd hynny'n gywir i rai.

Pam ddewisoch chi fel y gwnaethoch?  
Mae angen medru dweud mwy na'ch bod chi eich hun wedi gweld un yn y dydd ac un arall yn y nos. Ceisiwch ddeall **pam** mae'r creadur yn ymddwyn fel y mae ac esbonio hynny i'ch grŵp neu ddosbarth.



ENW .....

Dosbarth ..... Dyddiad .....



	NOS	DYDD
<b>Bele</b>		
<b>Boncath</b>		
<b>Cwningen</b>		
<b>Draenog</b>		
<b>Eos</b>		
<b>Gwennol</b>		
<b>Gwenynen</b>		
<b>Gwiwer</b>		
<b>Gwyfyn</b>		
<b>Iâr fach yr haf</b>		
<b>Llwynog</b>		
<b>Llyffant</b>		
<b>Llygoden</b>		
<b>Malwen</b>		
<b>Mochyn daear</b>		
<b>Neidr</b>		
<b>Troellwr</b>		
<b>Tylluan</b>		
<b>Ysgyfarnog</b>		
<b>Ystlum</b>		

